

K. Anin dac ke totang kitei anicinabe tei mino-otapinang anamihe-sikahandakewin ?

N. O ka debwetan enigokutehed Jesus ot ojitwawin, enigok kaye ta mindjinawesi ki matci-ijiwebisit.

— —

KIKINOHAMAKWIN XXXVIII.

K. Wekunen iw Manito-songiteheckakewin ?

N. Mi iw pejik sakreman ka ondji minikoyang Wenicicit-Manito kiki o minitiwinan.

K. Awenen aw Wenicicit-Manito ?

N. Mi kuca aw eni-nisso-winsot Manito-Nissopejikowining.

K. Anin eji caweniminang Wenicicit-Manito, api manikoyang songiteheckakewin ?

N. Nitam iko ki wassendamihikonan kwayak tei kikenimang Kije-Manito, weweni kaye tei nissitotamang Jesus ot ijitwawin ; Eni nijing ki minikonan nibwakawin, wendji-kikenidamang ke totamang kwayak tei iji-pimatisiyang ;—Eni nissing ki mackawendamihikonan tei sakihang Kije-Manito, tei mino-anamihayang tei agatcitansiwang kit anamihewinan ;—Eni niwing ki mackawendamihikonan tei gotansiwang nipuwin, memindage tei jakwenimossiwang tei nissikoyang Jesus ot ijiwawin ondji, tei gotamang dac matci-aindowin.